

國立故宮博物院珍藏

清代起居注冊

同治朝

第十五冊

國立故宮博物院珍藏

清代起居注冊

同治朝 第十五冊

同治三年十月上…… 八〇六五
同治三年十月下…… 八一三一
同治三年十一月上…… 八二五一
同治三年十一月下…… 八三一九
同治三年十二月上…… 八四三一
同治三年十二月下…… 八五八一

清代起居注冊 — 同治朝

(清) 桂清楊等奉敕撰 民國72年 臺北市 聯合報

文化基金會國學文獻館印行 影印本

43冊 21公分

據國立故宮博物院藏手稿本影印

聯經出版事業公司總經銷

I. (清) 桂清楊等奉敕撰

654.78

7436

72

NT \$ 86,000.00

72 · 12 · 0650

· 89007172 ·

清代起居注冊

同治朝第十五冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六一六—二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治三年歲次甲子十月初一日戊辰

上詣綏履殿

母后皇太后前請安平安室

聖母皇太后前請安內閣奉

諭旨著派刑部尚書綿森戶部左侍郎吳廷棟馳

驛前往察哈爾查辦事件所有隨帶司員著一

併馳驛是日兵部題儘先補用遊擊張志高擬

補廣東瓊州鎮標中軍遊擊奉

諭旨張志高依擬用餘依議

是日

起居注官瑞聯胡瑞瀾

初二日己巳

上詣綏履殿

母后皇太后前請安平安室

聖母皇太后前請安內閣奉

諭旨壽臧和碩公主額駙恩醇由散秩大臣在御

前乾清門當差有年洊升護軍統領副都統自
本年六月間偶患微疴迭經溫諭給假方冀調
理速痊長承恩眷遽聞溘逝悼惜殊深著加恩
賞銀四百兩經理喪事由廣儲司給發任內一
切處分悉予開復恩醇現無子嗣著俟伊胞弟
恩樸恩良生子先行繼與壽臧和碩公主承祧
該衙門知道又奉

諭旨烏魯木齊提督文祥著更名文祺又奉

諭旨御史景霖奏與臺臣同名應否更易請旨一

摺河南道監察御史景霖著更名景雲又奉

諭旨譚廷襄奏節交霜降黃河南北兩岸各工防

護平穩並請頒給

河神匾額各摺片本年豫東黃河來源甚旺上游兩岸險工迭出白露後大風鼓溜情形尤為

吃緊經在事各員相機搶護並經譚廷襄親歷
詳勘修護巡防現在節交霜降各工悉臻平穩
覽奏寶深寅感著發去大藏香十枝交該河督
敬謹恭代祀謝並著南書房翰林恭書匾額二
方交該河督祇領分別懸掛中河廳十三堡
九龍將軍廟上南廳石家橋

大王廟用答

神庥其有工處所出力人員著譚廷襄存記交
新任河督鄭敦謹來年察看果能照常奮勉再
行奏請恩施

是日

起居注官訥仁趙新

初三日庚午

上詣綏履殿

母后皇太后前請安平安室

聖母皇太后前請安內閣奉

諭旨都興阿奏調員赴營差遣等語現在赴部引
見之陝西延榆綏道常瀚著該部查明曾否起
程即飭令馳驛迅赴甘肅交都興阿差遣委用
兵部主事崇綺及前因會試告假回旂之陝西
試用知縣恩元均著吏部轉行各該旂飭令馳

驛前赴都興阿軍營聽候差委是日兵部題開
復原官儘先補用叅將前任相山營遊擊梁
成華擬補邵武城守營叅將奉

諭旨梁成華補授福建邵武城守營叅將餘依議
是日

起居注官繼格夏同善

初四日辛未

上詣經履殿

母后皇太后前請安平安室

聖母皇太后前請安內閣奉

諭旨此案著交寶珣德椿親提人證卷宗秉公嚴

訊確情按律定擬具奏抱告武生殷世綿該部

照例解往備質又奉

諭旨此案著交劉長佑督同臬司親提人証卷宗

秉公嚴訊確情按律定擬具奏原告民婦王李氏該部照例解往備質又奉

諭旨現值天氣漸寒

實錄館人員朝夕恭纂書籍著加恩於例支柴炭外十一月十二月正月每月賞銀五十兩在廣儲司支領又奉

諭旨本日都察院帶領引見人員未遞排單實屬

疎忽都察院堂官著交部議處承辦司員著查
取職名一併議處又奉

諭旨左宗棠奏查明失事武員分別定擬開單呈
覽一摺咸豐十一年間浙江省城失守各屬相
繼淪陷失事文職各員業經該督奏請分別懲
辦其失事武員自應按律定擬茲據該督奏稱
各該員或兩次失陷城池咎無可辭或著有微

勞功不掩過或暫代人員並未接印或隨同攻
克並復鄰封情節不同自應分別重輕各當其
罪所有單開之已革前署處州鎮總兵台州協
副將特保已革前杭州協副將王邦慶均著發
往軍台效力贖罪前代辦撫標中軍叅將衢州
城守營都司林奎著革職免其治罪已革前提
標中軍叅將博忠著免其治罪該部知道單併發

又奉

諭旨伊犁將軍常清自到任以來于邊防事務一切未能整頓本年夏間庫車等處回匪煽亂該將軍有統轄各城之責事前既未能防範事後又未能設法趕緊撲滅實屬庸懦無能大負委任且有被參謬妄貪婪各款常清著即行革職仍留伊犁聽候查辦又奉

諭旨前因新疆換班各員延不赴任曾經降旨嚴催至
今已逾數月僅據保恆奏稱吐魯番領隊大臣札克
當阿及新調古城領隊大臣惠慶行抵巴里坤地方
其伊犁領隊大臣阿隆阿烏魯木齊領隊大臣德
克吉訥巴里坤領隊大臣訥爾濟哈密幫辦大臣明
瑤葉爾羌幫辦大臣常績喀什噶爾辦事大臣常
明和闡辦事大臣奎章烏什辦事大臣慶明阿克